

Канон пред иконой Пресвятой Богородицы «Геронтисса»

Поемый во Святую Пятидесятницу

Тропарь, глас 4-й

Яко пресвѣтлая звезда, просия Божественными чудесы святыи образ Твой, Избавительнице, лучами благодати и милосердия Твоего озарив в нощи скорбей сущих. Подаждь убо и нам, Всеблагая Дево, избавление от бед, исцеление недугов душевных и телесных, спасение и велию милость.

Канон, глас 1-й

Песнь 1

Ирмос: Воскресения день, просветимся, людие, Пасха, Господня Пасха: от смерти бо к Жизни и от земли к Небеси Христос Бог нас преведе, победную поющия.

Припев: Пресвятая Богородице, спаси нас.

Воскресения день, славим ныне Господа Христа. Приидите, и Пресвятую Матерь Его прославим, пред святою иконою Ея благодарственная поюще.

Пресвятая Богородице, спаси нас.

Очистим чувства и узрим Воскресшаго Христа и Всеблагую Деву, Избавительницу от бед, блистающуюся и озаряющую верных благодатию.

Пресвятая Богородице, спаси нас.

Очистим чувства и узрим мысленными очесы промысление о нас Владычицы: честным бо образом Своим избави от бед христоименитыя люди.

Пресвятая Богородице, спаси нас.

Небеси убо достойно да веселятся, земля же да радуется Воскресшему Христу, да торжествует же сия обитель, обогатившаяся Избавительницы иконою.

Слава: Небо и земля достойно да веселятся во Христовом востании, да празднуют же Богоматери монаси и бельцы, чудотворный Ея образ почитающе.

И ныне: Умерщвления предел сломила еси, Вечную Жизнь рождающая – Христа, из гроба возсиявшего днесь, Дево Всенепорочная, и мир просветившаго.

Песнь 3

Ирмос: Приидите, пиво пием новое, не от камене неплодна чудодеемое, но нетления источник, из гроба ожививша Христа, в Немже утверждаемся.

Пресвятая Богородице, спаси нас.

Приидите, пиво пиём новое от источника целительного недугом душевным и телесным, егоже источи Богоблагодатная с верою притекшим ко иконе Ея.

Пресвятая Богородице, спаси нас.

Приидите, весны умныя в видимой весне насладимся, неувядаемый бо Цвет – Христа – израстившая Дева благоуханием благодати живит и утешает скорбящая.

Пресвятая Богородице, спаси нас.

Ныне вся исполнишася света Воскресением Христовым, да празднуем и мы светло Избавительнице, лучи испускающей радости о Бозе Спасе в ночи искушений.

Пресвятая Богородице, спаси нас.

Ныне обитель сия озаряется светом от Матере Света в нарочитом дни праздника чудотворному Тоя образу и благодатию Сына Ея утверждается.

Слава: Вчера погребено бе селение верных в смертоносном отчаянии, днесь же оживотворися скорым от бед избавлением Богоневестныя Марии, надежды безнадежных.

И ныне: На нетленную жизнь прихожду днесь, благостию Родшагося из Тебе, Чистая, и всем концем свет облиставшаго.

Господи, помилуй (трижды). Слава, и ныне:

Песнь 4

Ирмос: На Божественной стражи Богоглаголивый Аввакум да станет с нами и покажет светоносна Ангела, ясно глаголюща: днесь спасение миру, яко воскресе Христос, яко всесильен.

Пресвятая Богородице, спаси нас.

На Божественной стражи ставше во Христе, братие, и воспоминание творяще чудес Избавительницы, со благоговением рцем: днесь спасение Богородицею бысть скорбящим, яко вся могущею.

Пресвятая Богородице, спаси нас.

Яко непорочную Агницу, пречистаго Агнца рождшую, венчаем Тя, Благословенная, песненными цветы: покрый от зол рабы Твоя, Воскресшаго Сына Твоего о всех умилоствляюща.

Пресвятая Богородице, спаси нас.

Богоотец убо Давид пред санным ковчегом скакаше, играя, рабы же Твои, Госпоже, пред иконою Твоею ликующе, веселимся Божественно о Твоем милосердом заступлении к Тебе прибегающих.

Пресвятая Богородице, спаси нас.

Яко в краснейший храм, вселися в Тя, Чистая, Иисус, всех Царь, снтием же во ад жилище мрачное упраздни и Воскресением совоскреси человеки, оживляя Тобою умерших, яко всесильен.

Слава: Святых Святаго паче ума Мати явилася еси, Владычице, освящение и избавление от бед подающи верным, славящим Его Воскресение и Тебе, Всеблагую Избавительницу, призывающим.

И ныне: Создавший Адама, Твоего праотца, Чистая, зиждется от Тебе, и

смѣртное жилище разорѣ Своєю смѣртию днесь, и озарѣ вся Божѣственными блистаньми Воскресѣния.

Песнь 5

Ирмос: Утренюем ѹтренюю глубокѹ, и вмѣсто мѣра песнь принесѣм Владыце, и Христа ѹзрим, Правды Сѳлнце, всем жизнь возсияюща.

Пресвятая Богородице, спаси нас.

Утренююще во святѣм храмѣ Твоѣм, Чѣстая, Сына Твоего воспевает, из грѳба возсиявшаго, и Тя, Избавительнице, величаем, от Сѳлнца Правды умершему ѳтроку жизнь возсияющу.

Пресвятая Богородице, спаси нас.

Утренюем ѹтренюю глубокѹ и с пѣнием деяния принесѣм Богоугодная, Дѣве вопиюще: храни, Всецарице, Гѳру, и Россѣю, и вся православныя неоторимых от враг видимых и невидимых.

Пресвятая Богородице, спаси нас.

Безмерное Твое благоутрѳбие, Владычице, ѹзами вражими содержимии зряще, ко икѳне Твоей избавленнии идяху веселыми ногами, Твою и Сына Твоего хваляще Божѣственную силу.

Пресвятая Богородице, спаси нас.

Приступим, священѳнии, исходящу Христу из грѳба, яко Жениху, и спразднуим Богородице любопразднственными чѣнми, в честь святѹя икѳны Ея, прославленныя чудесѹ многими.

Слава: Облѣста Тя и возвесели, Богорадованная, Спас всех, из грѳба возсиявый, Правды Сѳлнце, Егѳже моли озарѣти и утѣшити сердца любовию песнословящих Тя, Избавительнице, пред Твоею икѳною.

И ныне: Просвещаетсѹ Божѣственными лучами и живѳносными Воскресѣния Сына Твоего, Богомати Пречѣстая, и радости исполняется благочестѣивых собрание.

Песнь 6

Ирмос: Снизшел еси в преисподняя земли и сокрушил еси верей вѣчныя, содержащая связанная, Христѣ, и тридневен, яко от кѣта Иѳна воскресл еси от Грѳба.

Пресвятая Богородице, спаси нас.

Снидохом во тьму грѳовную и праведное на ся негодование Бѳжие привлѳкохом, – вопяху вернии, но, о Госпожѣ Всемилостивая, Ты избавила еси нас от рѳва отчаяния.

Пресвятая Богородице, спаси нас.

Сохранив целы труды рук наших и невредимы от всепоядающаго прѹжия, предстательством Твоим, Избавительнице, отвѣрзла еси нам милосердия дѣвери.

Пресвятая Богородице, спаси нас.

Спасе наш, живѳе же и нежѣртвенное от всех заколение, бѣдствующим даровал еси Матерь Твою Избавительницу от бед; молитвами ѹбо Ея избави нас от всякия нѹжды и печали.

Пресвятая Богородице, спаси нас.

Явилася еси, Богоневесто, вышши Ангел, Бога воплощши, распеншагося за ны, и погребена, и мертвым нетление из гроба источивша, чтущих же Тя тли греховныя избавляюща.

Слава: Видевши Сына Твоего, из мертвых возставша, райския сладости исполнилася еси, Приснодево, Того убо моли, Благословенная, да отверзет молящимся Тебе райския двери.

И ныне: Возведеса древле держимое смертию и тлением Воплотившимся от Твоего пречистаго чрева к нетленной и присносущней жизни, Богородице Дево.

Господи, помилуй (трижды). Слава, и ныне:

Песнь 7

Ирмос: Отроки от пещи избавивый, быв Человек, страждет, яко смертен, и страстию смертное в нетления облачит благолепие, един благословен отцев Бог и препрославлен.

Пресвятая Богородице, спаси нас.

Отроки от пещи избавивый, презрев яко Милосерд, прегрешения наша, соблюди ны невредны от пещи искушений Пресвятыя Матере Твоея мольбами, отцев Боже Препрославленный.

Пресвятая Богородице, спаси нас.

Жены с мира Богомудрыя вслед течаху Христа, обитателие же веси, вместо мира слезы Дево приносяще, поклонишася, радующияся, Ея иконе и избавление от бед zde благовестиша.

Пресвятая Богородице, спаси нас.

Жены с мира вслед Христа течаху, да течем и мы усердно, добрый подвиг иночества совершающе и радующеся живому Богу, да сподобимся молитвами Богоматере Пасху тайную вкушати.

Пресвятая Богородице, спаси нас.

Смерти празднуем умерщвление Воскресением Христа и избавление от бед милосердием Владычицы, темже, пред иконою Ея ликующе, поем Виновнаго, Единого Благословеннаго отцев Бога и Препрославленнаго.

Слава: Яко воистинну священный и радостный сей праздник Богородицы, провозвестник сущий чудес от честнаго Тоя образа, от негоже благодать исцелений явственню всем возсия.

И ныне: Умертвив Сын Твой смерть, Всенепорочная, днесь, всем смертным пребывающий живот во веки веков дарова, един Благословенный отцев Бог и Препрославленный.

Песнь 8

Ирмос: Сей нареченный и Святыи День – един суббот царь и господь, праздников праздник и торжество есть торжеств, в оньже благословим Христа во веки.

Пресвятая Богородице, спаси нас.

Сей нареченный и Святыи День, в оньже славим Всепетую Владычицу, яко избави от бед, притекших к Ея образу, и благословим Сию во веки.

Пресвятая Богородице, спаси нас.

Приидите, обители сея иночествующии, с любовью благодарение Деве принесем, Хранительнице Горы и Избавительнице нашей, поюще Ю яко Богоматерь во веки.

Пресвятая Богородице, спаси нас.

Возведи окрест очи Твои, Чистая, и виждь рабы Твоя, пред иконою Твоею молящиеся Тебе, и прошения исполни о Тебе благословящая Христа во веки.

Пресвятая Богородице, спаси нас.

Всесильный Господь родился из Тебе, Марие, и Крестом Своим умерщвление аду содела, избавляя смертоносных бед к образу Твоему притекающих и поющих Его яко Бога во веки.

Слава: Отче Вседержителю, и Слове, и Душе, ходатаицу о нас Пресвятую Деву Тебе предлагаем: молитвами Тоя помилуй и спаси нас, в Тя крестившихся, да Тя благословим во вся веки.

И ныне: Прииде Тобою в мир Господь, Дево Богородице, и, чрево адово расторг, смертным нам Воскресение дарова, темже благословим Его во веки.

Песнь 9

Ирмос: Светися, светися, Новый Иерусалиме, слава бо Господня на Тебе возсия, ликуй ныне, и веселися, Сионе. Ты же, Чистая, красуйся, Богородице, о востании Рождества Твоего.

Пресвятая Богородице, спаси нас.

Светися, Русская обители, веселися и красуйся, святая бо в тебе Избавительницы икона чудесы прославися многими, от бед свободением и недугов исцелением.

Пресвятая Богородице, спаси нас.

Благодарение Твое к верным и дары Твои суть паче постижения, Всеблагая Госпоже, сподобляй убо сих рабы Твоя, благодарственная Тебе поющая и радующияся о востании Рождества Твоего.

Пресвятая Богородице, спаси нас.

О, Божественного, о, любезного Твоего, Богомати, гласа! Яко повелела еси не скрывать чудотворную икону Свою, да притекающие к ней многих лютых избавляются милостию Твоею.

Пресвятая Богородице, спаси нас.

О, паче словес Твоих чудес, Избавительнице! Ты бо осенена иконою Твоею отрока воскресила еси, Мати сущи Живота, Воскресением Своим всех оживотворившаго.

Слава: О Пресвятая Владычице, о Всемиловитая Избавительнице от бед, не престай милосердовати о бедствующим и сподобляти благодатного присещения обитель, образ Твой почитающую.

И ныне: Согласно, Дево, Тебе блажим, вернии: радуйся, дворе Господня; радуйся, граде одушевленный; радуйся, Еяже ради нам ныне возсия свет из Тебе Рожденного из мертвых Воскресения.